

¡BOMBA!

Tres años, dice memoria,
los que ya cumple esa guerra;
tanto dolor que se encierra
en un estado de euforia



K'untzil

Lunes 24 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2424 · www.lajornadamaya.mx

Ti' Ucrainae' p'aatal u noj meyajil u ka' jets'ik u yóol wíinik tu jo'oloj óoxp'éel ja'ab ba'ateltáambal

Afp / p 30
Oochel Ap



Kéen k'áata'ak tumen juntúul
fisioterapeuta ku meyaj tu kúuchil
rehabilitación yaan Kieve' ka bin
u sats' u yook máake', yaan máak
ku che'ej. "¡Wa tumen yaan ba'ax
a sats'ej", ku núukik Oleksandr,
juntúul soldado xota'an u yook.

Ba'ax ku yu'uba'al ti' gimnasio
chuup yéetel máako'ob najmal u
rehabilitartalo'obe', ba'alo'ob ti'al
che'ejtibil ba'ale' chíiksa'an xaan u
yaan ts'u'uy tuukulo'ob xan.

Oleksandre', 31 u ja'abil, ts'o'oke' tu
ya'alaje' "séeba'an úuchik u éejentik"
u kuxtale' k'éex úuchik u yantal u
xo'otol u yook, te'el tu'ux u píixo',
ka'alikil ti' yaan tu lak'inil Ucrainaí.

Ku yáanta'al tu kúuchil ts'akyaj
Pushcha Vodytsia, jump'éel
ti' le 488 u p'éel u kúuchilo'ob
rehabilitación yaan Ucraina.

U mola'ayil Organización Mundial
de la Salud (OMS) ku tukultike' kex óoli'
10 millonesil ucraniailo'ob yaan ba'ax

ku naak' tu tuukul yóok'olal estrés taal
tu paach ba'ateltáambal, tu jo'oloj óoli'
óoxp'éel ja'abo'ob tumen Kremlin.

Jala'ache' ku tukultike', kex
5 millonesil máako'ob ts'o'ok u
xáantal jo'op'ok u meyaj'oobe', yaan
u k'a'abéetkunsiko'ob áantaj beey
ts'o'ok ba'ateltáambal, lelo' noj ba'al
meyajtibil ti'al u mola'ayilo'ob toj óolal
p'ata'ab tumen Unión Soviética.

Tuukulo'ob yaan yóok'ol
terapias' ts'o'ok u bin u k'éexel

desde ka'aj káaj u multa'al lu'um
tumen Rusia.

Terapeuta Maksym Andrusenko
tu tsikbaltaje', ti' jump'éel kúuchile'
jts'a'ab meyaj ti' beey conductor,
ma'ili' káajak ba'ateltáambal, tumen
u meyaj te'el k'iinako'obe' "che'ejtibil
u beeta'al" ka'achij.

Tu lu'umil Ucrainae' yaan kex
11 mil u túul máaxo'ob meyajtik
rehabilitación, beey a'alanil tumen
Ministerio de Salud.